



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

KomunikaduImprensa
Distritu Manufahi
21 Novenbru 2016

Komunidade Suku Holarua Munisípiu Manufahi preokupa kona-ba violasaun seksuál iha relasaun kazamentu iha komunidade

Komunidade Suku Holarua, Postu Administrativu Same, Munisípiu Manufahi preokupa kona-ba kazu violénsia doméstika no violasaun seksuál iha relasaun kazamentu ne'ebé akontese iha familia. Preokupasaun ne'e hato'o durante sesaun treinamentu ne'ebé hala'o iha 9 Novembru 2016, iha Suku Holarua, Postu Administrativu Same, Munisípiu Manufahi.

Treinamentu ne'e partisipa husi ema nain 30 ne'ebé kompostu husi komunidade feto 15 no komunidade mane 15. Partisipante sira mai husi Aldeia Haturae, Raemera, Urufu no Fatuco.

Treinamentu ne'e ho objetivu atu hasa'e kuñesimentu komunidade sira iha jerál no enkoraja sira atu asesu ba sistema justisa formal.

“Reazem no preokupasaun ne'e manifesta fakta réal katak embora Lei Kontra Violénsia Doméstika tinan 6 ona maibe komunikadade barak mak seidak hatene no tanba ne'e formasaun no atividade divulgasaun legál sira kontinua nesesariu atu asegura katak komunidade sira koñese diak lei hirak ne'e,” dehan Luis de Oliveira Sampaio, Diretór Ezekutivu JSMP.

Iha treinamentu ne'e aliende introdus kona-ba Lei Kontra Violénsia Doméstika no provizaun relevante sira kona-ba krime violénsia bazeia jenéru nomós kobre asuntu relevante sira kona-ba knaar Juis, Ministériu Públiku, Defensória Públiku, Advogadu Privadu no Polísia. Aleindé ne'e inklui oinsa atu asesu no halo kontaktu ba organizasaun feto sira ne'ebé fo assistensia hodi asesu ba justisa formal.

Iha treinamentu ne'e, partisipante sira apresenta problema ne'ebé sira infrenta mak hanesan violénsia doméstika no kestiona mós kona-ba kazu violasaun seksuál ne'ebé mak akontese iha familia (entre feen laen). Durante sesaun kona-ba husu no hatan partisipante sira kuaze aseita katak nu'udar feen ho laen iha obrigasaun atu satisfaz nesesidade laen nian atu halo relasaun seksuál mesmu ho maneira forsa ka obrigatóriu.

Administrador Postu Administrativu Same, Sr. Carlito Pineiro Araújo, iha sesaun abertura enfáze ba partisipante sira hodi fo atensaun ba formasaun ne'ebé mak fasilita hosi JSMP tanba Suku Holarua rasik akontese krime barak no durante ne'e komunidade sira kontinua konkorda krime balun ne'ebé mak loloos labele tolera hanesan violénsia seksuál ne'ebé mak komete husi feen ho

laen. Tanba ne'e, nia husu ba JSMP atu iha futuru kontinua halo atividade hanesan ba iha komidade suku seluk iha Manufahi hodi nune'e komidade sira bele iha kuñesimentu ida ne'ebé mak diak hodi halo prevensaun nune'e bele atinsipa no rezolve krime ne'ebé akontese iha futuru.

Aktividade ne'e realiza tanba ho apoiu orsamentu husi Embaixada Canada iha Jakarta Indonezia.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Email : luis@jsmp.minihub.org